

**Kalaallit Nunaata Extractive Industries Transparency Initiative-mi (EITI)
candidate/compliant country status-eqarluni ilaasortannorsinnaaneranut periarfissat
pillugit Naalakkersuisut naalagaaffimmut attaveqaqqullugit peqquneqarnissaannik
Inatsisartut aalajangiiffigisassaattut siunnersuut**
(Inatsisartunut ilaasortaq Doris Jakobsen, Siumut)

Akissuteqaat

(Inuussutissarsiornermut Aatsitassaqaqarnermullu Naalakkersuisoq)

Aappassaanneerpeqarnera

Oqaluuserisassamik kattuffimmut EITI-mut Kalaallit Nunaata qaninnerusumik atassuteqalersinnaanera pillugu Inatsisartut aalajangiiffigisassaattut siunnersuummut tunngasumik ataatsimiititaliap suliaqarneranut qujavunga.

Maluginiarpara ataatsimiititaliaq annertunerusunik oqaaseqaateqarnissamut pissutissaqarsimanngitsaq.

Aningaasartuutini isertitanilu aatsitassanik paaanermut atasuni ammanerusumik paasiuminarnerusumillu pissuseqarnissaq pillugu EITI-imi tunngaviusut siuarsarnissaat tapersersornissaallu pingaaruteqarpoq. Minnerunngitsumik nunamut suliaasaqarfimmi arlalinnik unammilligassaqaletussamut tunngatillugu. Taamaattumik nuannaarutigaaara suliniuteqarnerup taassuma erseqqinnerusumik misissorneqarnissaata tapersersorneqarnissaa pillugu isumaqatigiinneq annertummat.

EITI pillugu oqaloqatigiinnerit, siullermeerinninnermi oqaatigineqartutut, suleqatigiissitaliami Danmarkimi Inuussutissarsiornermut Siuarsaanermullu ministereqarfiup aamma Kalaallit Nunaanni Inuussutissarsiornermut Naalakkersuisoqarfiup akornanni pilersinneqareersumi aallartinneqassapput.

Taamatut oqaaseqarlunga aalajangiiffigisassatut siunnersuutip suliarineqarnera Inatsisartuni kajumittumik ingerlateqqitassanngortippara.